

百搭Cool guy

百搭棒球帽,绝对係潮流嘅经典代表作! 简洁日常装配棒球帽,即刻变得醒神又有个性,撞色、同色都各有千秋;稳重嘅西装外套,同棒球帽都可以和谐相处,呢款混搭精髓係为整体造型添加休闲的感觉,精致中多咗几分活泼。棒球帽仲可以玩下花式,最常见是反戴,可以令人多一些阳刚气,或者将棒球帽扣喺牛仔裤或包包上做配饰,今年FILA秋冬款的棒球帽,加上一个大毛球,cool得嚟有点可爱……棒球帽真係可以配搭成好多你意想唔到的效果。




文艺? rock?

时尚又甜美的单品,无疑係最容易吸引大家的眼球。贝雷帽百搭落平无奇,但可塑性好强。贝雷帽搭上毛线围巾,暖身又显气质,配出十足文艺女主角咁样;净色款就经典到永不过时,花纹毛呢质地嘅贝雷帽就显肤色。如果想随意啲,散发戴贝雷帽又会增添另一种rock rock啲韵味。如果觉得传统贝雷帽太文艺,13DE MARZO呢款有经典熊仔喺上面嘅帽款就值得试下了,只熊仔係可拆卸设计,可甜可酷好百变,只要大胆搭配,就会有唔同嘅惊喜。



由头开始潮流加冕




天气渐凉,出门嘅时候戴翻顶帽,唔单止成身暖笠笠,仲可以增加回头率添! 虽然帽仔细细,但可以帮你变文艺,减龄得嚟仲多咗几分活力,潮唔潮,就睇个头了! 由“头”开始,睇下一顶帽係点样表达自己嘅潮流态度啦!

王婷/文 品牌官网/图

趣怪暖笠笠

好多人话“秋冬无穿搭”,因为天气一冻,人就会懒得搭配,出门首先係包得严实实似个粽咁。呢啲时候,要凹造型出圈,可以谗谗针织帽。用同色系的针织帽呼应身上的外套同包包,统一色系令到整体变得整洁,减低咗臃肿嘅感觉;如果衫同毛茸茸帽玩撞色,仲可以利用颜色差错开视觉效果,修饰身材比例。毛毛帽体积相对会大啲,如果有人想低调少少,Cordova今年仲推出咗毛得嘅又轻薄嘅款色,两边加长嘅设计可以顺便包住耳朵,再冻啲围埋颈都得,如果plan咗要去玩雪,你一定就係雪地上最趣怪嘅小可爱啦!



减龄啱面型

边个话渔夫帽版型好容易踩雷? 其实只要慢慢去搵,实会有一顶係啱你的! 话你知一个拣帽tips,渔夫帽最重要的就係睇版型,版型主要係话帽宽、帽身高同帽檐。帽宽要大于脸部最宽处,先唔会觉得局促,而且仲显脸小添;圆脸嘅朋友可以选择高帽身嘅款色,长脸嘅朋友就建议选择帽身短嘅款,颜色同材质就可以完全按照个人的喜好去pick啦。Chocolate最近做咗角落生物主题联名款嘅渔夫帽,适合悠闲搭配,帽檐上“坐”住一只“小生物”,超级减龄



LOOK1: 短身大长腿



牛仔质地耐磨厚实,做出来嘅衫版会更加立体,对于女仔而言,可以起到很好的修饰身材的作用。80、90年代嘅牛仔外套,与近年追求简约嘅款式相比,剪裁设计细节会更加细致,修身性更强。牛仔元素一向都百搭,想穿出优秀身材比例效果,就要巧用牛仔外套提高腰线、拉长下半身比例! 短款嘅版型就有优势,加上燕尾分叉收出腰型,更能凸显身段;下身嘅选择建议和外套能撞色撞面料,可以丰富造型的层次感,否则同色系容易模糊腰线。搭配灯芯绒阔腿裤或者直筒裤就係一个唔错嘅选择,对自己腿部线条唔自信嘅朋友就十分受用。

LOOK2: 背带减龄



在复古穿搭图鉴入面,工装背带裤嘅地位一直都无法撼动。过去,工装背带裤一直被视为“工作服”,耐穿、舒适係但最大嘅优势,版型上偏宽松,原来係为咗工人劳动嘅时候方便活动,经过时代变迁,工装背带裤已经变成时尚单品,版型有咗好多变化;直筒裤型,可以完美规避身材短板;宽松款对身型包容度大,穿搭起来可以令你更加随性自然。由于佢有背带加持,对于上衣嘅要求自然降低,无论T恤、衬衫、甚至Polo都可以轻松驾驭。蓝白水洗配色嘅背带裤,内搭暖黄色系格仔衬衫,撞色之下,俏皮嘅感觉无敌减龄,衬翻一对鲜艳嘅小短靴,形成反差冲击,整体造型元气满满。

古着(Vintage)係每个时代不可复刻嘅潮流文化结晶,因其多数为仅此一件嘅孤品,越嚟越受追求个性嘅年轻潮人所青睐。古着係经典,但每年都可以有唔一样的潮流搭配,今期Color带大家睇睇,依家嘅“牛仔”古着,可以几百搭多变!

陈祉伶/文 秦丽莹/图



牛仔很忙:

古着潮搭玩百变!

LOOK3: old school动感



讲起百搭好用、永不过时嘅时尚单品,牛仔裤绝对榜上有名! 古着牛仔裤带嚟嘅惊喜,不但体现在其独特版型设计,仲有岁月会无意咁,喺牛仔裤上留低独一无二嘅印记,记录住不同时代嘅文化痕迹。穿窿嘅裤脚入面藏着童年最美好嘅故事;拼接嘅裤头承载咗一段唔想忘记嘅回忆……牛仔裤搭配棒球服,可以打造old school嘅氛围感,内搭格仔拼接衬衫清爽不沉闷。学院风不是一直都是时尚风头咁吗? 咁样穿搭,你绝对就係条gai最潮嘅个了。